



SULEQATIGIISITSISUT  
SAMARBEJDSPARTIET

Nuuk ulloq 09. juuli - 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

**Naalakkersuisunut apeqqutit:**

- 1. Naalakkersuisut pilersaaruteqarnerlutik Inatsisinik Atortitsinermut Ministereqarfik aperissallugu sunik pilersaaruteqarnerisut kalaallit illersuisut ikiorniarlugit taakku immikkoortumi susassaqarfimmini suliasaqaarpallaarnerat pissutigalugu?**
- 2. Naalakkersuisut pilersaaruteqarnerlutik Inatsisinik Atortitsinermut Ministereqarfik aperissallugu sunik pilersaaruteqarnerisut pinerluttulerinermi inatsitigut isumannaatsuuneq nukittorsarumallugu, sualummik eqqarsaatigalugu siunnersuisartunik ikiuuttussanillu immikkoortortanik pilersitsinissaq - immaqa angalasartoqatigiinnik pilersitsinikkut ukiumut marloriarlutik, pingasoriarlutik sisamariarlutilluunniit angalasartussanik, nunami maani inuinnaat ilinniarsimangitsut eqqartuussivinni atorineqartut ikiorniarlugit?**
- 3. Naalakkersuisut pilersaaruteqarnerlutik Kalaallit Nunaanni politiit, pinerluuteqarsimasunut inissiisarfiit aamma eqqartuussivik pillugit ukiumoortumik nalunaarusiortalernissaminut taakkunani pissutsit pillugit, siunertaralugu nassuiaasiortarnissaq taamatullu siuariaatinik kinguariaatinullu benchmarkertarnissaq Siunertaralugu politiit, eqqartuussiviit, mattussiviit il.il. iluanni ajornartorsiutit ataatsimoortumik allaaserisalnissaat?**
- 4. Naalakkersuisut tigussaasumik qanoq Kalaallit Nunaanni Eqqartuussiveqarnek pillugu Isumalioqatigiisitat suleqatigaat? Tassa Naalakkersuisut siunnersuisoqatigiit qanoq akulikitsigisumik ataatsimeeqatigisarpaat, qanoq akulikitsigisumik siunnersuisoqatigiit ataatsimiittarpat aamma qanoq akulikitsigisumik siunnersuisoqatigiit suliaat ilanngunneqartarpat Naalakkersuisut inatsisinik atortitsineq pillugu suliaqarneranni?**

(Inatsisartuni ilaasortaq Tillie Martinussen, Suleqatigiissitsisut)

**Tungavilersuut:**

Politiini eqqartuussiveqarfimmi eqqartuussivinnilu il.il. suliat eqitiinnakkat amerleqqingaarmata malinnaasinnaajunnaalinnginnitsinni tusassallugu soqutiginarpoq natsisinik atortitsinerup iluani ajornartorsiutinik akuttunngitsumik tusagassiutini tusartakkatsinnik, eqqartuinissaminut Naalakkersuisut sunik pilersaaruteqarnerisut.



SULEQATIGIISITSISUT  
SAMARBEJDSPARTIET

Aamma kissaatiginarpoq Naalakkersuisut ukiut tamaasa inatsisinik atortitsinerup aamma eqqartuussiveqarnerup iluani sulianik tamakkiisumik paasisaqartalernissaat taamatullu periarfissanik pilersitsisalernissaat Naalagaaffeqatigiit ukiumoortumik tamakkiisumik paasisaqartalernissaannut taamaasillutik ukiumiik ukiumut takusinnaanngorlugu inatsisinik atortitsinerup iluani oqartussaaffinni sulitiguneqarsimanngitsuni sumi Naalagaaffeqatigiinni suleqatigiinneq annertusarneqarsinnaanersoq.

Kalaallit Nunaanni nammineq iluaqusersinnaalissagaluarpuqut qularnaarinitisigut ukiumoortumik ataatsimoortumillu takussutissiisarnissamik nalunaarusiornikkut politiit, eqqartuussiveqarneq, eqqartuussiviillu pillugit, nunani marlunni inatsisinik atortitsineq aningaasarsiornikkullu politikki eqqarsaatigalugit takusinnaalerniassagatsigu inatsisitigut isumannaatsuuneq qanoq innersoq. Suleqatigiissitsisuni saqqummersitamik taamaattumik takusaqarnikuunngilagut taamaattumik soqutinartutut isigaarput tusassallugu Naalakkersuisut pilersaaruteqarnerisut saqqummersitsisalernissaminnut tassuunalu Kalaallit Nunaanni inatsisinik atortitsinerup iluani pilersaarut iliuusisanullu pilersaarut malitseqartillugu.

Aamma tusarusunnassaaq Naalakkersuisut inunnik isumaginninnerup iluani inatsisinillu atortitsinerup iluani suliat ataatsimoortillugit qanoq aaqqissuuttarneraat taamaasillutillu qularnaarlugu paasissutissiilluartarnissaq kalaallit nunaanni inatsisitigut isumannaatsuuneq, inunnik isumaginninneq, inatsisinik atortitsineq il.il. iluaquserlugit, nalunnginnatsigut immikkoortut qanoq annertutigisut taamaasillutillu Naalakkersuisunit ataasiakkaanit pingaarnersiorneqartariaqartassasut aamma eqqarsaatigalugit sakkussat atorineqartussat immikkoortut naammaginartumik takussutissiivigineqarnissaat - tassunga ilanngullugit suliasat ilungersunartut soorlu nalunaarusiornissaq, benchmarking aamma inatsisinik atortitsinerup iluani suliasat allat imaannaanngitsut siunissami kinguaattoorfiusinnaasut ajornartorsiutaalersinnaasullu.

Taamaattumik apeqqutit arlallit apeqqutigaakka.

Derfor denne række spørgsmål.

Apeqqutit akeqquneqarput ullut nalinnaasumik sulliviit qulit iluanni.

Inussiarnersumik inuulluaqqusillunga  
Tillie Martinussen  
Samarbejdspartiet - Suleqatigiissitsisut